



Broj: 07-881-1/20
Sarajevo, 22.09.2020. godine

INFORMACIJA O RADU I POSLOVANJU

**Javnog preduzeća „Olimpijski bazen Otoka“ d.o.o. Sarajevo
za period 01.01. – 30.06.2020. godine**

Predlagač: Skupština

Obrađivač: Uprava

JP „Olimpijski bazen Otoka“ d.o.o. Sarajevo

U skladu sa Programom rada Gradskog vijeća grada Sarajeva za 2020. godinu, JP "Olimpijski bazen Otoka" d.o.o. Sarajevo, dostavlja Informaciju o radu i poslovanju za period 01.01. – 30.06.2020. godine, kako slijedi:

Prvo polugodište 2020. godine Preduzeće je završilo sa pozitivnim rezultatom poslovanja sa ostvarenom dobiti, prije oporezivanja, u iznosu od **104.084 KM**.

S ciljem da u kontinuitetu zadrži trend pozitivnog poslovanja Skupština, Nadzorni odbor i Uprava preduzeća su postavili slijedeće osnovne principe poslovanja u prvom polugodištu 2020. godine:

- 1. Balansirati istovremenu realizaciju sva tri strateška cilja: edukacija neplivača, razvoj sportova na vodi, rekreacija građana;**
- 2. Odgovarajućim marketinškim i organizacionim mjerama, nastojati nadoknaditi period obustave pružanja usluga i zadržati pozitivan trend poslovanja;**
- 3. Kontinuirano nastaviti sa procesom racionalizacije poslovanja Preduzeća i reducirati sve rashode Preduzeća, a pri tom vodeći računa da se ne dovede u pitanje funkcionisanje tehničko-tehnoloških sistema u okviru objekta Olimpijskog bazena Otoka i ne ugroziti dostignuti nivo sigurnosti i higijene u objektu Bazena.**

Prilikom izrade svih dosadašnjih planova poslovanja, Preduzeća je prihvatilo kao bitne činjenice sljedeće ulazne pretpostavke:

- Uspostavljanje potpune funkcije Olimpijskog bazena Otoka, u najvećoj mjeri, zavisi od finansijske dotacije društvene zajednice (svih nivoa vlasti, a ne samo osnivača - Grada Sarajeva) ali i od ostvarivanja vlastitih komercijalnih prihoda objekta.
- Pod uspostavljanjem potpune funkcije podrazumjeva se uspostavljanje uslova za uspješnu realizaciju svih strateških ciljeva zbog kojih je objekat i napravljen: razvoj vodenih sportova, edukacija neplivača i rekreacija građana.

Pozitivno poslovanje na polugodištu ove i prethodne 3 godine smatramo značajnim poslovnim uspjehom obzirom da je, u pravilu, poslovanje Preduzeća u prethodnim godinama u zimskim mjesecima bilo negativno zbog visokih troškova energenata i niskih prihoda u ovom periodu godine.

Ostvareni rezultati poslovanja u periodu januar – juni 2020. godine

KONTO	OPIS	PLAN JANUAR - JUNI 2020	REALIZACIJA I - VI 2019. (PROŠLA GODINA)	REALIZACIJA I - VI 2020. (TEKUĆA GODINA)	RAZLIKA U ODNOSU NA PLAN	RAZLIKA U ODNOSU NA PROŠLU GODINU
1	2	3	4	5	6	7
6	PRIHODI	1.370.500	1.687.264	1.194.314	-176.186	-492.950
5	RASHODI	1.358.025	1.371.468	1.090.230	-267.795	-281.238
	REZULTAT POSLOVANJA	12.475	315.796	104.084	91.609	-211.712

Značajno je napomenuti da se zadržavanjem granta Osnivača i pozitivnim balansiranjem prihoda i rashoda Preduzeća obezbjeđuje nesmetano održavanje modernog, skupog i tehnički zahtjevnog objekta

- Ostvarena dobit u prvom polugodištu ove godine u visini od **104.084 KM** rezultat je sljedećih poslovnih događaja:
 - U prvom polugodištu 2020.godine imali smo pauzu u poslovanju od dva i po mjeseca (17.mart – 02.juni 2020.godine) zbog naredbi Kriznog štaba Kantona Sarajevo o obustavi pružanja usluga javnih kupališta zbog pandemije Covid 19 virusa. Nastala situacija posebno je negativno uticala na rekreativni i sportski segment poslovanja Preduzeća obzirom da je Bazen bio zatvoren za rekreativce i nije se mogao realizovati trenažni proces plivačkih i vaterpolo klubova u objektu. Projekti edukacije neplivača učenika osnovnih škola sa područja Kantona Sarajevo za 2020.godinu, zbog izostanka realizacije školske nastave i njene neizvjesnosti u periodu do kraja godine, nisu ni ugovoreni do 30.juna niti su započeti sa realizacijom. Započeti projekti u drugom polugodištu 2019.godine nastavljeni su u prva dva i po mjeseca ove godine i jedino smo po osnovu tih projekata ostvarili prihod po ovom osnovu na način da smo prenijeli dio prihoda iz prošle godine u visini od 135.000 KM (dio projekta sa Ministarstvom za obrazovanje, nauku i mlade KS i dio projekta sa Općinom Novi Grad).
 - U odnosu na plan rekreativni segment poslovanja ostvaren je u visini od samo 56%, odnosno 62% u odnosu na prvo polugodište prošle godine. Sportski segment (trenažni proces klubova i organizacija takmičenja) ostvaren je u visini od 55% i u odnosu na plan i u odnosu na isti period prošle godine. Edukativni segment je, zahvaljujući prenesenim prihodima iz prošle godine, ostvaren u visini od 65% u odnosu na plan i 87% u odnosu na isti period prošle godine. Ostale usluge (prihodi od reklama, naplata parkinga, naplata štete, iznajmljivanje opreme i osoblja...itd) realizovane su u visini od 63% u odnosu na plan i 75% u odnosu na prošlu godinu.
 - Vlastiti prihodi su za 41% manji od planiranih i za 32% manji od prošlogodišnjih, a budžetski prihodi su veći od planiranih za 7%, ali su manji za 28% u odnosu na isti period prošle godine.
 - Osnivač – Grad Sarajevo je za mjesec april i maj doznačio tranše za 50% umanjene, što je uzrokovalo smanjenje plaća radnicima za 30%.
 - **PRIHODI PREDUZEĆA** u prvom polugodištu 2020. godine manji su za 13% od planiranih, a za 29% manji su od prihoda u istom periodu prošle godine

KONTO	OPIS	PLAN JANUAR - JUNI 2020	REALIZACIJA I - VI 2019. (PROŠLA GODINA)	REALIZACIJA I - VI 2020. (TEKUĆA GODINA)	RAZLIKA U ODNOSU NA PLAN	RAZLIKA U ODNOSU NA PROŠLU GODINU
1	2	3	4	5	6	7
61110	Rekreacija	169.000	150.991	94.044	-74.956	-56.947
61114	Sport	147.500	146.225	80.756	-66.744	-65.469
611160	Edukacija	184.000	137.216	118.754	-65.246	-18.462
611...	Ostale usluge	33.750	28.333	21.190	-12.560	-7.143
611	Prihodi od pruženih usluga	534.250	462.766	314.744	-219.506	-148.022

651	Prihodi od zakupnina i najamnina	33.500	33.881	20.732	-12.768	-13.149
61	VLASTITI PRIHODI	567.750	496.647	335.476	-232.274	-161.171
655000	Grant Osnivača - Grad Sarajevo	750.000	1.000.000	750.000	0	-250.000
655001	Prihodi od subvenc.,dotac., - Kantona, Grada	9.000	115.000	30.888	21.888	-84.112
655010	Prihodi od subvenc.,dotac., - općine	1.250			-1.250	0
655200	Refunadacija plate pripravnika od Zavoda ZZ	35.000	65.400	67.530	32.530	2.130
655	PRIHODI IZ BUDŽETA (NAMJENSKI IZVORI FINANSIRANJA)	795.250	1.180.400	848.418	53.168	-331.982
659...	Ostali prihodi	5.000	10.217	10.419	5.419	202
659	OSTALI PRIHODI	5.000	10.217	10.419	5.419	202
	UKUPNO PRIHODI	1.370.500	1.687.264	1.194.314	-176.186	-492.950

TROŠKOVI PREDUZEĆA u prvom polugodištu 2020. godine za 20% su manji od planiranih i za 21% manji od troškova istog perioda prošle godine.

KONTO	OPIS	PLAN JANUAR - JUNI 2020	REALIZACIJA I - VI 2019. (PROŠLA GODINA)	REALIZACIJA I - VI 2020. (TEKUĆA GODINA)	RAZLIKA U ODNOSU NA PLAN	RAZLIKA U ODNOSU NA PROŠLU GODINU
1	2	3	4	5	6	7
511	Utrošene sirovine i materijal	38.500	33.228	21.603	-16.897	-11.625
512	Potrošena energija	216.500	228.283	155.835	-60.665	-72.448
514	Otpis sitnog inventara, ambalaže...	1.000	1.230	2.544	1.544	1.314
51	MATERIJALNI TROŠKOVI	256.000	262.742	179.982	-76.018	-82.759
520	Plaće za rad	650.000	643.620	626.568	-23.432	-17.052
523	Dnevnice za službena putovanja	2.750	2.299	246	-2.504	-2.053
524	Ostali troškovi zaposlenih	104.250	110.627	66.772	-37.478	-43.855

527	Naknade članovima odbora	21.250	15.727	19.080	-2.170	3.353
529	Naknade po ugovorima	40.000	75.390	27.808	-12.192	-47.581
52	TROŠKOVI ZAPOSLENIH	818.250	847.663	740.474	-77.776	-107.189
531	Prijevozne usluge	20.000	22.266	0	-20.000	-22.266
532	Usluge održavanja i zaštite (servisne usluge)	37.250	8.837	4.677	-32.573	-4.160
535	Usluge promocije, reklame sajмова	1.500	0	0	-1.500	0
536	Troškovi istraživanja		5.950	0	0	-5.950
539	Ostale proizvodne usluge	3.250	4.406	1.476	-1.774	-2.930
53	TROŠKOVI PROIZVODNIH USLUGA	62.000	41.459	6.153	-55.847	-35.306
540	Amortizacija do iznosa porezno priznatih	50.000	59.458	36.843	-13.157	-22.615
54	AMORTIZACIJA	50.000	59.458	36.843	-13.157	-22.615
550	Troškovi neproizvodnih usluga	107.300	115.068	88.054	-19.246	-27.014
551	Troškovi reprezentacije	9.000	9.258	4.543	-4.457	-4.714
552	Troškovi osiguranja	11.000	8.921	8.144	-2.856	-777
553	Troškovi platnog prometa	3.250	3.044	3.201	-49	157
554	PTT usluge	10.750	9.629	8.834	-1.916	-795
555	Troškovi poreza, naknada i drugih dažbina	9.375	7.328	5.454	-3.921	-1.874
556	Troškovi članskih doprinosa i sl.obaveza	600	0	0	-600	0
559	Ostali nematerijalni troškovi	19.250	5.176	7.327	-11.923	2.151
55	UKUPNO NEMATERIJALNI TROŠKOVI	170.525	158.424	125.558	-44.967	-32.866
56	Finansijski rashodi	1.250	1.723	1.221	-29	-501

	UKUPNO TROŠKOVI POSLOVANJA	1.358.025	1.371.468	1.090.230	-267.795	-281.238
--	-----------------------------------	------------------	------------------	------------------	-----------------	-----------------

- **LIKVIDNOST PREDUZEĆA:** Problematika ugrožene likvidnosti, naslijeđena iz prethodnih godina kao posljedica ranijeg negativnog poslovanja Preduzeća, zahvaljujući poduzetim mjerama i efektima pozitivnog poslovanja u posljednjih šest godina, potpuno je amortizovana i sanirana u odnosu na ranije periode u poslovanju Preduzeća. Međutim, kao posljedica vrlo izražene krize u poslovanju Preduzeća prouzrokovane pandemijom coronavirusa (obustava poslovanja od dva i po mjeseca po naredbi Kriznog štaba KS, umanjene dvije mjesečne tranše granta za tekuće poslovanje, neizvjesnost u vezi sa načinom održavanja nastave osnovaca u narednom periodu, neizvjesnost u vezi sa potpisivanjem i nastavkom projekata edukacije neplivača učenika osnovnih škola, umanjena platežna moć građana rekreativaca...itd), likvidnost Preduzeća ozbiljnije je uzdrmana u prvom polugodištu 2020.godine.

Na dan 30.06.2019.godine potraživanja Preduzeća u odnosu na obaveze su veća za **67.853 KM**.

Održavanje tehničko-tehnoloških sistema u objektu Olimpijskog bazena Otoka u 2020. godini bilo je na zavidnom nivou, naročito zbog činjenice da objekat i oprema funkcionišu dvanaest godina te da tehnički sistemi već zahtijevaju značajnije ulaganje u tekuće održavanje zbog uveliko isteklih garantnih rokova i zastarijevanja opreme.

U periodu obustave pružanja usluga počev od 16.03. – 03.06.2020. godine izvršen je remont koji je po sadržaju prevazilazio sve dosadašnje i možemo ga okarakterisati gotovo kao kapitalni.

Uz intenzivne sanitarne i higijensko tehničke mjere izvršena je kompletna protuepidemijska zaštita cjelokupnog objekta od strane firme Sanitacija d.o.o. Sarajevo, a prethodno je objekat bio u potpunosti ispražnjen.

Pogašeni su svi tehnički sistemi i objekat je doveden u stanje „ tehničke hibernacije“ do daljnjeg.

- U periodu ovog „isforsiranog“ planskog zastoja oba bazena i kompletan protočni sistem se potpuno prazni, čisti, ispira i hiperhloriše , kao i svi prateći prostori.
Vrši se provjera, servisiranje i cjelokupni pregled svih tehničko-tehnoloških cjelina i preduzimaju dodatne i vrlo intenzivne higijenske i sanitarno-tehničke mjere, kako bi se omogućila puna pogonska spremnost bazena za naredni period.
Pod higijensko-tehničkim mjerama podrazumjevamo sve aktivnosti i zahvate koje se vrše da bi objekat odražavao respektabilnu sliku jednog prestižnog objekta ovakve vrste. Te mjere su usmjerene na higijenu bazenske vode, higijenu zraka i higijenu podova.
- Isforsirani zastoj /zastoj pod uticajem više sile/ trajao je u periodu od 16.03. do 03.06.2020. god. a bazen je u potpunosti bio spreman za upotrebu u srijedu 03.06.2020. god. kada je otpočeo svoj normalni rad sukladno odlukama kriznih štabova.
- Poslovi u okviru proisteklih radova odnosili su se na sljedeće zahvate:
 - Ispustanje cjelokupne vode $V= 3.500 \text{ m}^3$ iz oba bazena i kao i iz kompenzacionih šahtova.
 - Detaljno čišćenje i dizinfekcija bazenske keramike (školjke bazena) i površina svih bazenskih prostora, sa upotrebom za to propisanih hemijskih sredstava i preparata.
 - Detaljno čišćenje svih staklenih površina i djelova krovne konstrukcije u unutrašnjosti bazena, sa izrazitim radom na velikoj visini.
 - Molersko farbarski radovi unutar bazena i svlačionica, holova, kao i drugih prostora koji su uslovljeni prekidom rada bazena.

- Pregled i servisiranje svih uređaja bazenske tehnike.
- Pregled, servisiranje i funkcionalno ispitivnje 10 kV transformatorskog postrojenja.
- Pregled, servisiranje i funkcionalno ispitivanje rezervnog izvora el. napajanja, dizel električnog agregata P250 HE2 i zamjena startnih akumulatorskih baterija.
- Pregled, servisiranje i funkcionalno ispitivanje UPS 6 kVA; typ PW9120.
- Pregled i servisiranje cjelokupne tehnike po pitanju iniciranja gasnog hlora. To funkcionalno sadrži, zamjenu sonde i njihova kalibracija te pregled ostalih uređaja na mjestu uzimanja uzoraka, pregled i servisiranje svih uređaja u hlornoj stanici, zamjena kompletnog cjevovoda na sistemu distribucije gasnog hlora, pregled i ispitivanje procesne automatike i dr.
- Detaljan pregled i remont na sistemima distribucije zraka, te opreme KGH (klimatizacija, grijanje, hlađenje) sa posebnim osvrtom na klima komore Thermocond 37 25 01.
- Pregled kotlovskeg postrojenja, servisiranje plamenika sa kontrolom parametara produkata sagorjevanja.
- Pregled i sanacija uređaja na postrojenjima za pripremu tople sanitarne vode.
- Detalno ispiranje pješčanih filtera i njihovo zapunjavanje kvarcnim pjeskom.
- Oправка spojeva i dotrajalih djelova na zračnim instalacijama bazenske tehnike.
- Čišćenje kompenzac. rezervoara i rezervoara za neutralizaciju sa upotrebom za to propisanih hemijskih sredstava i preparata.
- Zamjena nosača cijevi koji su koroziono nagrizeni duž oboda unutar kompenzacionog bazena.
- Oправка dijela cjevovoda NO100 na mjestu sprege bazenske sa napojnom vodom.
- Oправка oštećenja na bazenskoj keramici duž drenažnog kanala (rigola).
- Rekonstruktivni radovi unutar svlačionica na mjestima oticanja otpadnih voda u cilju eliminacije štetnog curenja u prostore ispod svlačionica.
- Oправка podnih površina u sportskoj sali za vježbanje kao i obrada podnih latsni duž čitavog obima.
- Zapunjavanje bazena sa svježom vodom i ponovno uspostavljanje hidrauličnog balansa bazenskog sistema.
- Zagrijavanje svježe vode iste do temperature od 26/28°C (projektna temperatura).
Svi pobrojani poslovi su uspješno realizovani.

Svi troškovi koji su nastali u toku remonta precizno su izvedeni i u sebi sadrže troškove energenata, raznovrsnog tehničkog materijala, hemijskih sredstava za dezinfekciju i rad bazenske tehnike, troškove pojedinih servisnih usluga, sredstava za opštu higijenu i dr.

Planski remont tehnički se posmatra kao sastavnica plansko - preventivnog i tekućeg održavanja koje se odvija u kontinuitetu u toku cijele godine, sa tom razlikom što u periodu remonta poslovi su jako intenzivirani i objekat nije na raspolaganju korisnicima. Planski remont je troškovno pokriven i prikazan sa svim stavkama na godišnjem nivou koje odražavaju planirane pogonske troškove, troškove repromaterijala, servisne i druge usluge i sl. bez neke posebne prikazane odvojenosti.

TB. PREGLED TROŠKOVA

VRSTA TROŠKOVA	CIJENA (KM)		NAPOMENA:
	PLAN.	REALIZ.	
<i>UTROŠAK TEHNIČKOG MATERIJALA /ELEKTRO, VODOVODNI, MAŠINSKI, GRAĐEVINSKI, HEMIJSKA SREDSTVA I SL./</i>	8.500	5.450	Dio tehn. materijala ciljano je kupljen u iznosu od 3.900 KM. Ostatak do naznačenog iznos je uzet sa stanja zaliha.
<i>PREGLED KOTLOVSKOG POSTROJENJA, SERVISIRANJE PLAMENIKA SA KONTROLOM PARAMETARA PRODUKATA SAGORJEVANJA, PREGLED PLINSKIH INSTALACIJA.</i>	1.500	1.573	Navedeni predmetni poslovi realizovni su od strane firme ELKOMONT d.o.o. Sarajevo
<i>OPRAVKE I SERVIS NA SISTEMU INJEKTIRANJA I DISTRIBUCIJE GASNOG HLORA I HLORNE STANICE</i>	5.000	1.650	Realizovana suma odnosi se na rezervne dijelove , i servisne radove.
<i>REDOVNI GODIŠNJI SERVIS NA TS 10 kV</i>	1.200	965	Naveden predmetni poslove realizovni su od strane JP Erlektroprivreda BiH.

REDOVNI SERVIS NA UPS 6 kVA TIP PW9120	300	150	Naveden predmetni poslove realizovni su od strane firme Energoinvest- SUE.
REDOVNI SERVIS DIZEL EL. AGREGATA P 250HE2- FUNKCIONALNA PROVJERA RADNOG STANJA.	1.100	490	Naveden predmetni poslove realizovni su od strane firme Energoinvest- SUE.
OPRAVKA I REMONT SISTEMA VENTILACIJE. SERVIS I FUNKCIONALNI PREGLED KLIMA KOMORA. ZAMJENA FILTERSKOG I DRUGOG POTROŠNOG MATERIJALA.	7.000	2.140	
UTROŠAK PRIRODNOG GASA	13.000	12.325	
UTROŠAK VODE	11.000	12.200	
UTROŠAK EL. ENERGIJE	3.500	3.150	
UKUPNO:	52.100	40.093	

Angažovanje nadzorno tehničkog osoblja JP „Olimpijski bazen Otoka“ i djela uposlenika iz drugih organizacionih struktura u toku pobrojanih aktivnosti bilo je visoko profesionalno i za svaku pohvalu. Primjera radi navode se sljedeći podaci:

- Prodor vode na mjestu kontakata krovne konstrukcije i armirano betonskih greda na istočnoj strani objekta uspješno je saniran na način što je linija odvodnje uvezana i pravilno usmjerena uz znatne građevinske radove na velikoj visini. Problem star gotovo deset godina.
- Staklene površine- oprano očišćeno..... 5.374 m².
- Podne površine sa bazenskom keramikom- oprano očišćeno, tretirano različitim hemijsko dezinfekcionim sredstvima na bazi hlora (preparat tipa Izosan, algicid) koje imaju snažno antimikrobno dejstvo ...5.450m².
- Zidne površine, okrečeno 1.980 m².
- U toku remontnih radova striktno su provođene mjere zaštite na radu, a naročito mjere zaštite od otrovnih materija kao i rada na velikoj visini. Te aktivnosti odvijale su se na način koji zahtijevaju propisi i pravila struke.

Svi obavljeni radovi precizno su evidentirani i ispisani u Građevinskom dnevniku.

Ukupna potrošnja energenata (prirodni gas ,el. energija,voda) u toku I polugodišta 2020. iznosi 198.091,10 KM. Najveći udio u potrošnji otpada na prirodni gas u iznosu od 117.435,4 KM a to je 52,4 % ukupne potrošnje svih energenata zajedno. Udio koji otpada na električnu energiju iznosi 47.382,16 KM a što u procentima iznosi 25,4 %. Udio koji otpada na vodu iznosi 33.273,5 KM a što u procentima iznosi 22,2 %. Jedinične cijene za el. energiju i vodu u 2020.godini se nisu mjenjale, a cijene za gas su se mjenjale, vidljivo u tabeli.

Praviti komparativnu analizu u odnosu na prvih šest mjeseci 2019. ne bi bilo svrsishodno jer Objekat u prvih šest mjeseci 2020. godine, zbog epidemije "korona" virusa, nije bio više od 2,5 mjeseca u operativnoj funkciji. Ukupna ušteda na svim ovim energentima je iznosila gotovo 118. 000 KM.

Nivo utroška koje odražavaju pogonske troškove (materijal-usluge) za prvih šest mjeseci 2020. dat je na iznos od **56.338,5 KM**. Nivo utroška za isti taj period u toku 2019. god. dat je na iznos od **70.195,54** Razlika za ta dva tretirana perioda u iznosu od **12.346,54 KM** (70.195,54 – 56.338,5) ukazuje da su pogonski troškovi u 2020. god. manji i odraz su neoperativne funkcije objekta a u sebi sadrže i troškove „isforsiranog“ remontnog ciklusa.

Preduzeće je u pripremi postupka javne nabavke kako bi se nastavilo sa realizacijom hidrogeoloških istraživanja u cilju dobijanja vlastitog vodosnadjevanja. Realizacijom ovog projekta obezbijedit će se značajne uštede na ime troškova vode.

Planirano je ustakljivanje i zatvaranje sjeverne terase na objektu kako bi se dobio dodatni prostor od cca 380 m² za realizaciju dodatnih programskih aktivnosti, i u toku je realizacija za obezbjeđenje finansijskih sredstava.

Programski pristup realizaciji strateških ciljeva Preduzeća i realizacija društveno korisnih i društveno opravdanih projekata potvrđen je kao jedan od osnovnih principa i primarnih ciljeva u poslovanju Preduzeća.

Početak godine, upriličena je škola plivanja za 250 učenika osnovnih škola sa područja Goražda. Realizaciju Programa podržalo je Ministarstvo za obrazovanje, mlade, nauku, kulturu i sport BPK.

JP „Olimpijski bazen Otoka“ d.o.o. Sarajevo pripremio je Projekat „Sportska rehabilitacija i vježbanje u vodi za boračku populaciju na Olimpijskom bazenu Sarajevo“, s ciljem očuvanja i poboljšanja fizičkog i mentalnog zdravlja i socijalizacije putem druženja, i isti uputilo općini Novi Grad. Projekat je prihvaćen i po osnovu istog obezbjeđena su sredstva u Budžetu općine. Potpisivanje Sporazuma i realizacija Projekta su planirani u drugoj polovini 2020. godine.

Projekat škole plivanja za učenike četvrtih razreda osnovnih škola kao javnih ustanova sa područja Kantona Sarajevo u školskoj 2019./2020. godini realizovan je u mjesecu februaru i martu i obuhvatio je 445 polaznika.

Komercijalnu školu plivanja u prvom polugodištu 2020. godine (redovna, intenzivna i individualna) pohađalo je ukupno 198 polaznika.

Svoje aktivnosti u Bazenu realizovao je veliki broj pravnih subjekata (udruženja), 17 plivačkih klubova, 6 vaterpolo klubova, 2 ronilačka kluba i 5 ostalih udruženja i klubova.

U prvom polugodištu 2020. godine, a koje obuhvata pružanje usluga do 16.03.2020. godine, na Bazenu u organizaciji, suorganizaciji i uz druge načine potpore Preduzeća, održana su 2 takmičenja.

Nastavljena je realizacija Projekta „Sarajevo – zdrav grad“, u sklopu kojeg se realizira program „Tjelesno vježbanje kao faktor kvalitete života osoba starije životne dobi“.

Pojačana promocija usluga bila je pred početak nastavka pružanja usluga, kada je građanima ponuđeno da iskoriste popust od -20% na većinu usluga. Tom prilikom, za promociju, najviše se koristio „facebook“ tj. sponzorisan oglas, koji su imali dosta dobar rezultat.

Početak poslovne 2020.godine godine, kao i prethodnih godina po ustaljenoj praksi, potpisani su ugovori sa korisnicima usluga, odnosno sa plivačkim i vaterpolo klubovima, sportskim udruženjima i sindikalnim organizacijama o uvjetima, načinu i vremenu korištenja usluga koje pruža Preduzeće. Navedena aktivnost nastavila se kontinuirano tokom cijelog prvog polugodišta 2020.godine ovisno o zainteresovanosti novih korisnika za ugovorno korištenje usluga Preduzeća.

U prvom kvartalu 2020.godine u skladu sa zakonskim obavezama pripremljen je Godišnji izvještaj za 2019. godinu, koji uključuje Izvještaj o radu i poslovanju JP „Olimpijski bazen Otoka“ d.o.o. Sarajevo za 2019.godinu, Izvještaj o radu Nadzornog odbora, Izvještaj o radu Odbora za reviziju i Izvještaj vanjskog revizora. Gradsko vijeće Grada Sarajeva na 39. sjednici održanoj dana 24.06.2020. godine usvojilo je Godišnji izvještaj JP „Olimpijski bazen Otoka“ d.o.o. Sarajevo za 2019.godinu. U prvom polugodištu 2020. godine usvojen je Izvještaj o provedenim postupcima javnih nabavki za 2019.godinu od strane Nadzornog odbora. Preduzeće je donijelo Plan javnih nabavki roba, usluga i radova za potrebe Preduzeća za 2020.godinu. Za prvih 6 mjeseci 2020. godine provedeno je i okončano ukupno 45 postupaka javne nabavke putem direktnih sporazuma i 3 postupka javne nabavke putem konkurentskog zahtjeva za dostavu ponuda. Na osnovu člana 34. i 35. Statuta JP „Olimpijski bazen Otoka“ d.o.o. Sarajevo, a u skladu sa Zakonom o zaštiti stanovništva od zaraznih bolesti Federacije Bosne i Hercegovine („Službene novine Federacije BiH“ broj: 29/05), Zaključka Skupštine JP „Olimpijski bazen Otoka“ d.o.o. Sarajevo broj: 01-1-303/20 od

16.03.2020. godine, Naredbe Kriznog štaba Federacije Bosne i Hercegovine, Naredbe Kriznog štaba Ministarstva zdravstva Kantona Sarajevo i Preporuke Federalnog ministarstva zdravstva broj:01-33-1490/20 od 13.03.2020.godine, i Mjera izdatih od Kolegija Gradonačelnika Grada Sarajeva, dana 16.03.2020.godine donijeta je Instrukcija o postupanju radnika u sklopu mjera prevencije zbog širenja koronavirusa. Počev od 16.03.2020. godine rad se odvijao na način da je radno vrijeme u Preduzeću skraćeno na period od 10:00 – 14:00 sati, protokol u sjedištu Preduzeća je vršio prijem pošte od 09:00 – 12:00 sati. U organizacionim jedinicama Preduzeća obavljao se rad na način da 1 radnik dežura u sklopu organizacione jedinice, a radnici su obavljali posao „od kuće“ a bili su dužni u periodu radnog vremena biti dostupni i odgovorno i blagovremeno obavljati dodjeljene radne obaveze.

Dana 29.05.2020. godine u sklopu priprema za početak pružanja usluga Direktor preduzeća, s ciljem prevencije i kontrole infekcije COVID – 19, je donio Preventivne mjere za rad radnika i ponašanje korisnika u JP „Olimpijski bazen Otoka“ d.o.o., broj: 02-1-462/20, a u skladu sa preporukama nadležnih institucija, i iste će biti na snazi do donošenja odluke nadležnih organa o prestanku primjene istih.

Skupština JP „Olimpijski bazen Otoka“ d.o.o. Sarajevo, u prvom polugodištu 2020. godine održala je ukupno 5 (pet) sjednica. Na sjednicama, između ostalog, Skupština je pružila podršku i pomogla Upravi Preduzeća da se na adekvatan način poduzmu određene aktivnosti u JP „Olimpijski Bazen Otoka“ d.o.o. Sarajevo, a u cilju provođenja Preporuke Kriznog štaba Federalnog ministarstva zdravstva i Kriznog štaba Ministarstva zdravstva Kantona Sarajevo.

U prvom polugodištu 2020.godine Nadzorni odbor održao je ukupno 3 (tri) sjednice. Tom prilikom redovno je razmatrao izvještaje o postupcima javnih nabavki, izvještaj o finansijskom poslovanju za 2019.godinu, Strategiju rizika za 2020. godinu, Program rada OZR-a za 2020. godinu, Plan Javnih nabavki za 2020.godinu. S ciljem neometanog rada Preduzeća, a zbog epidemije Covida-19, Nadzorni odbor je u skladu sa Poslovníkom o radu Nadzornog odbora donosio odluke elektronskim putem.

Odbor za reviziju, redovno svakog mjeseca održava sjednice, i u prvom polugodištu 2020. godine, održao je 6 (šest) sjednica na kojima je razmatrao materijale iz nadležnosti utvrđenih ZJP-om.

Na dan 30.06.2020.godine Preduzeće upošljava ukupno - 46 radnika po osnovu Ugovora o radu na neodređeno vrijeme i 1 radnik po osnovu Ugovora o radu na određeno vrijeme.

Ugovorom o sufinansiranju zapošljavanja pripravnika VSS,VŠS,SSS i KV stručne spreme u javnom sektoru zaključenog sa JU „Služba za zapošljavanje Kantona Sarajevo“ u Preduzeću su uposlena 4 (četiri) pripravnika radi stručnog osposobljavanja za samostalan rad. Riječ je o osobama prethodno prijavljenim na evidenciju nezaposlenih u Kantonu Sarajevo prije objave Javnog poziva, a koje nemaju radnog iskustva u struci.

Ugovorom o sufinansiranju zapošljavanja šehidskih porodica i porodica poginulih boraca branilaca , a koje se nalaze na evidenciji nezaposlenih u KS, zaključenog sa JU „Služba za zapošljavanje Kantona Sarajevo“ broj: 04/1-34-08-ŠP/19 od 03.02.2020.godine, u Preduzeću su na dan 30.06.2020.godine zaposlene 2 (dvije) osobe. Angažovani su na određeno vrijeme u trajanju od 12 mjeseci.

Ugovorom o sufinansiranju zapošljavanja po Programu „POSAO ZA SVE“ zaključenog sa JU „Služba za zapošljavanje Kantona Sarajevo“ broj: 04/1-34-082-POSZS/19 od 24.02.2020.godine, na dan 30.06.2020.godine u Preduzeću je angažovano 5 (pet) osoba prijavljenih na evidenciju nezaposlenih osoba u Kantonu Sarajevo. Angažovani su na određeno vrijeme u trajanju od 12 mjeseci.

Preduzeće je apliciralo za učešće u Programu javnih radova raspisanom od JU „Služba za zapošljavanje Kantona Sarajevo“. Aplicirano je za radnike koji učestvuju u programu javnih radova u oblasti uređenja okoline, izgradnje i sanacije infrastrukture na objektu Olimpijski bazen Otoka Sarajevo. Javna ustanova „Služba za zapošljavanje Kantona Sarajevo“ odobrila nam je 5 (pet) osoba. Navedenih 5 osoba potpisalo je Ugovore o obavljanju javnih radova na period od dva mjeseca počev od marta - maja.

U periodu obustave pružanja usluga počev od 16.03.2020. godine Unutrašnja služba fizičke zaštite i sigurnosti JP »Olimpijski bazen Otoka« d.o.o. Sarajevo obezbjeđenje objekta je vršila 24 sata. Napravljena je reorganizacija poslova i smjena radnika kako bi se objekat sačuvao od eventualnih napada i oštećenja s jedne strane, a s druge strane napravljene su uštede jer nije angažovana zaštitarska agencija. Nakon što je dozvoljeno pružanje usluga radnici su nastavili obavljati redovne zadatke i poslove.

Urađene su i dodatne aktivnosti u period od 01.01.-30.06.2020. godine, kako slijedi:

- U prvoj polovini 2020., godine, evidentirane su 2 krađe, koje su uspješno riješene;
- Pojačan je nadzor teretane i saune;
- Redovno se vode i sačinjavaju dnevni, sedmični, mjesečni, polugodišnji i godišnji izvještaji.

Poslovi spasilačke službe su jako kompleksna i osjetljiva radna pozicija tako da se maksimalno ozbiljno pristupilo načinu poslovanja i odgovornosti rada ove pozicije jer su direktno ugroženi ljudski životi naših korisnika.

Tabelarnim prikazom po mjesecima u 2020. godini predstavljen je izvještaj rada radnika Spasilačke službe i to samo u okviru intervencija, kako slijedi:

Mjesec Aktivnosti	Januar	Februar	Mart	April	Maj	Juni
Spašavanje utopljenika iz vode						1
Saniranje tjelesnih povreda	2	8	1			4
Neadekvatna oprema - odstranjen	1					
Nepoštivanje kućnog reda						
Intervencija hitne pomoći		2	1			

Unutrašnja služba FZS je u okviru svojih nadležnosti izvršila sve svoje redovne obaveze u skladu sa Pravilnikom o unutrašnjoj organizaciji i Pravilnikom o sigurnosti na uređenim kupalištima, osim nekih čija dinamika je ovisna od usvojenih Zakonskih rješenja i/ili od raspoloživih finansijskih sredstava, a koja ne dovode u pitanje normalan rad i funkcionisanje unutrašnje službe.

Enes Peštek, s.r.
direktor